

新安文獻志卷九十五上

行實文苑

江東撫幹通直郎致仕汪公儀鳳墓誌銘

乙集
卷之五十五
墓誌銘

乙集

歙汪氏自越國公以六州歸唐其後始大入宋雖仕隱相半而厚與薄
取以德自植者又愈益大公諱儀鳳字翔甫其先自績溪徙今為徽州
歙縣人徙之十二世為公會祖崇實鄉稱為長者夫婦俱年八十五祖
擇善交鵬舉承務郎資沉毅誠恪以儉勤審取與愈益大其家者也年
八十二毋鮑氏封孺人年八十五歷世植德並詳見公所為壙記蓋公
祖禰三世而四人皆年近九十公之卒亦八十四公六歲工文師靜菴
吳公自牧治易公趨嚮既正而承務公察公兄弟三人皆偉器又為延
師得丞相訥齋程公元鳳政治詩訥齋居孰先年為南省第二人躋顯
仕公與二弟治鳳鳴鳳不更他師蓋深得其學云吾州詩大比舊不與
選回先君師四明舒公璘禮部符許拔解自先君慶元乙卯始先君入

上庠登第而左史竹坡呂公午與訥齋相後先然鄉額僅拘於一端平
改元甲午公俯就鸞爵以詩中江東漕薦嘉熙丁酉又爲漕試第一時
四明安公劉有聲上庠以同經先內交永嘉陳公淳祖二曹公元發良
朋同社結課誓將同登而戊戌榜公獨退舍竹坡時爲監察御史因客
留公於科舉外講義理學蓋訥齋發其先而竹坡成其終公於是所聞
粹矣所居旁近靈山之下有寺焉歸而爲李公擇山房讀書之計意將
終老郡守貳魏公克愚龍琴應之章公公權訪公山中佐築樓藏書費
山房成訥齋爲題其扁又爲亭泉上曰山泉而世因稱公爲山泉先生
公雖身遜巖谷名震京師江東漕使趙公與迺合諸臺以遺迺刻聞謂
當處以孫明復陳無已魏元履官而僅與免解公雅不欲逐舉子迫於
二親出山又二年淮閩申前奏旨賜文學出身免銓參汴訥齋適當國
喜且疑以爲嫌參政丁大全欲擠訥齋去而攘其位則僞力贊決而陰
嗾張鎮繳論其意實不在公也公寶祐戊午景定辛酉又連與浙漕薦

凡五上春官會有奏辨大全鎮譏者玉音賜可授迪功郎隆興府司
戶參軍改辟壽春府下蔡縣主簿權准西制司準備差遣秩滿差克准
東安撫司幹辦公事涂城上功以儒林郎循承直郎陞准東制置司幹
辦公事連丁內外艱服闋添差江東安撫司護視訥齋葬事候任滿與
陞擢差遣公終不自陳丞相信菴趙公葵而下舉改官狀五及格咸淳
甲戌詣部班引廟堂議處以史館公謝不願改通直郎致其事緋衣銀
魚居里終身別自稱老山居士若老於山不出云者丙子五月兵變盜
起屠戮慘甚公之族斃於寇者十一人公言有司罪人皆得庚寅三月
盜又起潛口焚四都巨室數十家群黥於公前後獨不敢犯如黃巾迎
拜鄭康成者則可知公之爲人矣回少公二十歲泊休官嘗同友人曹
涇清父以癸未訪公里第登西爽之樓對羃山吟嘯竟日不鄙辱賜和
篇時公年七十有七又七年乃哭公其生開禧二年丁卯正月十六日
卒以至元二十七年庚寅八月十日狀公行者涇清父也言皆可信回

聞朱子曰三代以上氣數醇醲聖賢皆壽以下及是由是推之周室東
遷以入春秋壽者鮮矣然其間有能審於取與之際薄取而厚與者亦
必天之所甚佑而有不容不壽者焉其不壽非必皆疾癘短折之氣爲
之也劉子政紀弒亡之禍有數而經書殺其大夫者至不可勝數盈與
謙之異也魯季孫行父季友子也僖十六年季友卒文六年行父用事
始見於經文宣成皆十八年至襄五年行父卒去季友七十六年行父
當近百歲其所以壽妾不帛馬不粟也鄭子產七穆之一子國子也襄
八年鄭侵蔡始見於傳昭二十年卒行事可考者四十四年歷事簡公
定公聲公獻公亡慮八九十歲其所以壽孔子稱之曰古之遺愛行已
恭養民惠也齊晏平仲之父桓子襄十七年卒平仲以知禮見於傳史
記魯定公十年平仲卒言議可見者五十餘年亦當八九十歲其所以
壽一狐裘二十年又納邑辭富也吳季札吳王壽夢少子兄諸樊欲立
之季札讓國年可十五六哀十一年楚子期伐陳季札救陳退兵以爲

子期名杜氏注襄十二年至今七十七年季札蓋九十餘其所以壽能
以國與人大矣又能以名與人至於以劍掛人之墓則又無一物能累
其心也嗚呼此四名卿者於春秋衰世諸人不得其壽之時獨能以壽
求終則豈非薄取厚與之德有以勝之歟惟今山泉之德亦然科第可
取也不可必取則已之官爵可取也或畀之游幕府通閨籍筋
力未也可懸車則去之貨財可取也同氣析居田園瘠廡室廬弊甲器
物圯敝我願受之入相出藩我資我師代價翰墨言不及私乃若名高
當世尤士所願釣取者也公識淵學詣幽討古汲旁行敷落急就凡將
鼓籀鼎刻奇字瘦辭齶牙格磔探玄入微儷語宗真西山韻語尚劉潛
夫散語慕江子遠妙年初務崛奇至晚節泯圭角削險就夷視後生奮
甯距躡聲價尙恂退默若罔聞知混迹於社叟里老泥飲巷歌之間能
以名讓人不取則尤近世人物所希有也其於族黨鄉鄰昇平而變故
歡娛而患難孤姪與師授幼女與姻對出粟與下價市物與高估潤吾

與梁塗五呂與楚疾與藥殪與糶寒與絮飢與飮索游與資裝家世素必
厚所與而公於時之既異愈加厚無求不與也嗇於勢利而豐於慈慶
輕於物欲而重於友弟不足於榮耀侈靡而有餘於恬澹潔清行可以
交神明則功足以奪造化也公素不飲酒善飯寡疾將卒之前一月稍
力弱食減家人異之公自謂無所苦却藥餌與醫者語必正冠焚香漸
不粒食者旬餘忽一日令具湯沐盛服索紙書數十字乃口授孫濬紀
載千二百四十三言而於末自書曰全而歸之原始友終乙夜熱氣上
出如炊掖坐間小咳咽而逝其不怛化如此平生著述充屋僅存山泉
類彙四十二卷程文六卷傳世娶宋氏先公三十年卒子男女各一人
秉陽郡學生早卒前太學內舍發解進士方鵬飛其壻也孫男一人即
濬業儒好修曾孫男二人源清源深承務公存日祖墓生雙竹識者謂
文字之祥題詠盈茂公治命屢進二曾孫親為說書雙竹之應其在茲
乎山房書立後失亡公重貲贖求復如故親校讎遺後人濬將以今歲

辛卯十一月四日奉公柩葬于永豐鄉後村之原回先君鄉舉會選遺
文賴公蘊藏至今且早相賞拔銘敢辭銘曰

約以納博以施壽斯宜善則祥謙則福理若茲歛之原全厥歸觀刻辭
廬州梁縣尉事天先生江公潤身墓誌銘 曹弘齋

故廬州梁縣尉事天先生江公既葬之明年其子心宇以前進士山屋
許公月卿乙酉歲所為行狀視曹涇使為誌銘涇望輕筆力弱謙弗敢
任然知敬愛公舊矣憶春水鱗鬣之後先悼人世萍蓬之閃倏死生亦
大胡得無言矧嘗涉筆存耕公之葬既不躓乎存耕公諱師夔公考也
自存耕公上溯蕭公十三世居徙官歷名諱已見存耕公銘內公諱潤
身字明德徽婺源人生而俊穎異常兒髫齡時歲日上元族里歌呼群
飲長少畢出獨凝坐一室晝夜讀存耕公太奇之於書一覽即解暗誦
不誤缺一字於文操筆立成据經引傳切中肯綮而繩墨具焉景定甲
子以流寓領浙漕舉登乙丑第授廬州梁縣尉明年攝本職兼簿事自

兵興淮爲次邊郡曹邑僚半出鵠弁或起卒伍豪民賈堅至以賄推公
泣以公廉不爲怯頓首食掌戶胥數人無譁者上司若郡委送駢來迎
刃輒解訟者至乞從公求直居數月平反大獄者三衆以爲神於是方
議迎母携家忽報制司辟某人直替卽以詩辭制置應山李公庭芝應
山舊知公愕焉留攝賢應主簿旋奏充瓜洲鎮官曰吾知子貧又廉姑
用資以完庫母見薄也朝旨猶以及期而辟非格却之再奏命下而公
卒矣嗚呼俗吏文法淹天下士如此公貌古而岸峭直軒豁幅巾縫掖
辭辨風生少或爲矯世之行喜回折人當山屋公初第時嘗戲取其綠
袍服之已又曰是何足云孔明景略吾事耳晚乃不然恂恂怡怡如也
居母夫人洪氏喪哀毀過制喪父一遵遺令以文公家禮從事事繼母
龍氏盡禮遇二季巖困愛而教之不有私財嘗大書于屋壁曰天下無
不是底父母家人離必起於婦人於姻族不肯隨俗炎涼好獎後進謀
人必忠未第前嘗伏闕上書諫三事其治兵條極言三節諸闕相禁營

寨諸項利病欲以兩淮曠土內地荒田給游民貸其資糧籍爲民兵然
後以諸寨移之沿江沿江諸屯移之極邊以襄閩經理京襄以湖閩進
守利路皆指切精的詩文少慕靚麗奇辭逸語衝齒頰出不休晚羞其
爲一主以理壯歲師陸子靜門人不嫌已而師北山何公基實勉齋黃
文肅公上足而勉齋晦菴嫡傳也造詣益粹戊辰春自廬書示心字曰
吾十歲見朱子祭張敬夫文心慕之癸巳得近思錄丙申得周程諸書
旁求於張呂陸氏近始自信蔡氏程氏自太極圖而下之勉齋自四書
而上之蔡謂四書梯階六經近思錄梯階四書勉齋不謂然吾今專守
勉齋學又云佛氏勸人爲善本不大畔於儒至謂燃香誦經飯僧一會
卽滌陰塵實無此理祇足長惡如胥吏輩爲欺爲虐何所不至每奉佛
以自解旣恃有此稔惡益甚屠兒劊卒操刀欲割必誦佛號亦此類也
吾州佛寺半是黃巢時所建吾邑四月八日飯僧大會其重施者多出
於推埋之徒茲豈非佛氏實長其惡乎公之學問精博議論勁正大略

如此既第銳志及物改號民齋然事天云者自少及壯學者習知如誦
王彥方司馬君實然既卒門人三山林茂春應山祝樾相與言曰必存
養事天先生志也用之不究則亦曰天是所謂事夫以終身者乎因以
爲私謚公以巴巴十月十六日卒于寶應心宇號既奉柩浮淮絕江藁
葬于無錫之湖埭實依從子一新寓居則庚午之五月二十一日也其
返于鄉以甲午九月六日其合葬于夫人馬氏之兆以乙未十二月二
十一日隸丹陽鄉瑞亭里吳村之官牌塢抱亥挹丙卜者曰祥夫人之
葬在丁亥二月二十八日其卒庚午十二月八日也心宇於是大事終
而形神亦瘁矣公生以嘉定丁丑十月得年五十三公惟一子心宇孫
男二人賓王佐王女秉禮曾孫遵善狀謂心宇能世其學所著深衣說
有據以予觀於心宇君博洽不減前人而深潛密粟以爲性行紆餘峻
潔以爲文詞則豈惟鄉之同輩少比而已賓王兄弟皆秀文不凡又將
酷類其父江氏世世有人如此亦何必公慙卿卿慙長以倘來之物易
無窮之譏哉况所謂躬養後而委祉者又有在也銘曰

方總管回傳

洪杏庭

方總管回字萬里歙縣人父琢以太學上舍登第仕至承直郎廣西經
幹權融州通判坐廣西提刑錢弘祖挾私憾誣劾謫死封州回幼孤從
叔父琢學穎悟過人讀書一目數行下少長僮僕不羈賦詩爲文天才
傑出鄉先達呂左史方吏部咸亟稱之郡守魏公克愚一見其詩即延
置郡齋移知末嘉亦拉以自隨制帥呂公文德尤相厚善景定三年以
別院省元登第調隨州教授呂公師夔提舉江東辟克幹辦公事歷江
淮都大司幹官沿江制幹所至皆得幕府譽獨與賈似道不偶嘗一再

除國子正大學博士輒遭誣劾登第後踰紀始改官通判安吉州都堂稟議時則德祐元年矣似道魯港喪師之後猶在揚州衆皆懼其復入莫敢論列回獨首上書數其罪有十可斬中外快之俄除太常寺簿文上言賈似道與其客處瑩中皆當即誅王煥不可為平章陳合不可為同僉當去福王入輔之議當寢出知建德府方用兵之際興建學宮以雅量鎮浮俗煦弱鋤強賞罰信必鄰郡草寇乘間竊發獨境內肅然至元丙子春奉宋太后及嗣君詔書舉城內附改授嘉議大夫建德路總管兼府尹已卯入覲遷通議大夫依舊任在郡七年無絲髮為利益至賣寓屋猶不足以償逋代歸不復仕徜徉錢塘湖山間二十餘年豁達輕財喜接引後進嗜學至老不厭經史百氏靡不研究而議論平實一宗朱文公有壁流集桐江集若干卷行於世又有讀易釋疑易中正攷皇極經世考古今攷曆象攷衣裳攷玉攷先覺年譜瀛奎律髓名僧詩話合若干卷藏於家卒年八十一子存心蔭授義烏尹先君遺體惟回

卒戊子巳丑二年書家事後事以託諸弟者盈四冊惟恐回之意不能也又慮其歸而不能長也又慮其長而不能成也然則先君之意不痛矣速回不專為科舉之學性理自真西山讀書記入學故自呂東萊大專記入學五十七自張苑立入學四十六自周益公入學而時文之進自州教授天台諸葛公泰始年二十見知於郡守端明洪公克勤參政饒公補正知亦於山鄭公會年二十六見知於郡守魏公克愚郡伴應公補正與憲提舉張公汝諧年二十九見知於郡守魏公克愚郡伴應公補正與劉公震孫相次見知年三十六僥倖別院省試第一人承詔呂公師夔禮與而魏公克愚解送年三十六僥倖別院省試第一人承詔呂公師夔禮與其義丞相章公鑑賞其策廷試與第一甲歷官隨州帥趙公起參政常遣國子監書庫官江東提舉司幹辦公事國子正江准都大司幹辦公事再國子監書庫官江東提舉司幹辦公事國子正江准都大司幹辦御史丞相王倫格之兼莊文廟通判安吉州都堂稟議往來駐軍除察秘書郎加直秘閣依舊任都督府參議官於是年四月有九矣小狀舉呂公師夔馬公光祖制帥朱公撰孫禮特相翁公合制帥黃公萬石特薦舉王一人工侍程公元岳為回買宅特相知深者郡守府卿宇文公十朋餘詩友文君及直諒多聞之交滿天下不勝書錄然回何以得此於一時哉皆先君之餘澤為之也二三叔父之教養為之也回早遊江湖不人及娶納抗人姚氏併天四女禾娘潮娘餘二人學存心明心餘

程氏史館檢閱添差通判建德府士禮之自初生即名曰禾娘家貴也...
鄉之曰義里而不敢更其名左史呂公午先君之友一見謂回貌肖先君...
先生獨與賈似道不遇四取杆彈譽之者不勝數善而巳矣回泣血謹書...
寫已定明年丙子春二月六日奉太后命君名具表納書以回先君事狀...
至元十三年八月軍馬入臨安府易守二十日回德堅守孤城半月餘...
王郎中世英蕭郎中郁提兵五千資詔至郡官吏軍民一口同辭恐有...
如常州之難者回按蜀志景耀六年蜀并于魏霍弋時以安南將軍統...
南郡事聞成大故去就不可必也得後主東遷之問始率大郡將上表...
主之安危大故去就不可必也得後主東遷之問始率大郡將上表...
魏羅憲時以東領軍守永安城聞成敗城中擾動至乃帥所統...
城走憲輒稱成都軍守永安城聞成敗城中擾動至乃帥所統...
于都亭三日吳國蜀敗圍攻六日晉王遣荆州刺史胡烈救憲歸魏...
史臣謂霍弋羅憲保全一方雖非人臣之正義然國亡主遷土地人民...
無所歸為小郡者力不能全國矣全其部民可也建德府大邑戶十二...
萬有奇口四十萬許全十二萬戶四十萬口亦可也彼列國連城先下...
臨安未下之先者可罪也而譚士或以不死責回等惟公分統...
不青之死於未忘國之先而以責一內郡太守於國已亡之後乎...
三仁亦異乎孔子之論人矣今謹附書于先君事狀之後同稍定諸守...
名數歲之家屈伸出處易有時義付諸後世之公論足矣要之回假守...
七年無絲髮為利意徽州李世達之變家藏書數萬卷一空他物...
在郡倒囊竭廩至賣寓屋櫛不足償通而一于在燕旅食不繼此豈有

所食而然哉特是以見先君於地下...
亦當有辭矣壬午正月回泣血再書

元中順大夫同知徽州路總管府事致仕贈中憲大夫上騎都

尉追封新安郡伯程公龍家傳 程伯機

公諱龍字舜俞初名淵性明敏好學初從伯祖就學溪東滕氏滕故曾...
祖母家也其先淡齋先生文公畏友弱冠館于德興程村道西坑口董...
氏又故祖母家也其先叔重先生亦文公門人故公所學最有源委館...
東程國諭家嘗夢門右石鼓有龍蟠其上夢覺令家人開門視之公方...
造門以門尚閉因假寐石鼓上國諭大驚出迎知公不凡館遇加厚而...
不言居二年秋闈將近國諭始畧言之且請改名龍遂登咸淳七年進...
士第公先議昏胡氏報榜後胡氏忽戒媒者來辭曰君已榮貴顧家世...
甚寒願聽別議公不許卒娶之識者知其遠大矣授黃州黃陂縣主簿...
就任除安慶府教授值有遷城版築之勞調池陽司戶叅軍隨除嚴州...
推官與虛谷先生方回同官二年北軍下臨安太后手詔諭州軍降方

遂以嚴郡入附公不肯署被擒伯顏丞相以文學士釋之辟差同知江西贛州路總管府事勒令之任中道走歸隱居養母匿影藏形者十餘年會拘刷宋故官不奉詔者族其家威令峻切時太夫人尚無恙逮者及門公垂涕曰安有爲人子而愛身棄母者哉因出受命授温州永嘉縣尹奉母之官九年除松江府判官又以承事郎除興化路總管府判官隨以奉訓大夫宣授奉化知州三年以奉直大夫除潭州路同知湘陰州事五年來歸歸舟所載惟所著三分易圖板數十擔而已年逾七十告老于朝以中順大夫徽州路同知總管府事致仕給半俸終身贈考君京六府君中順大夫信州路同知總管府事妣汪氏贈新安郡君夫人胡氏封新安郡君孫燧陰授將仕佐郎杭州新城縣主簿時延祐五年戊午冬也公居官五十餘年善政甚多惜不得熟聞而詳述之其爲學以尚書義成名後所著述有尚書毛詩二傳釋疑禮記春秋辨證及弄環餘說三分易圖在湖南時省院以圖銀梓板留鶴嵩莊經壬辰

劫火莊池有亭曰得寓學士大夫多爲記序歌詠名得寓亭集公所作文詩名歸田錄又會宗譜遠而河南江西湖湘近而休歛饒信開化金華博采文籍考索備至名龍收程氏世譜譜與歸田錄樞執事編寫今經世變片紙無復存者可勝嘆哉公號苟軒又號不翁讀書之室曰不不堂所居之屋曰致政堂生於宋淳祐壬寅五月二十七日卒于至治壬戌閏五月六日壽八十有一贈中憲大夫上騎都尉追封新安郡伯先是河南有談祿命者謂公壽有九九加五之數至是果驗加五閏五月也郡君胡氏壽九十卒於至元四年戊寅正月無子有女二人側室陳氏一子曰楠早卒無子以從兄林次子燧入繼仕止太平路推官公貌高古而長身其性情溫和寬厚言不輕發居官愛民在鄉睦族與湖南憲使程雪樓友善後雖相去遼遠書札往來相問勞不絕書所言亦多保民睦族之道歸田後退居鶴嵩莊以樞可教因留侍焉書則代應賓客暮則授受講費凡三年時樞年十六七學未有成公貽書鄉丈

人雪江先生江公曰吾家續一脉之文者惟此子而已今戒其請見敢
求開發或尋一小館俾為童子師庶得收斂其心雖欲不學不可得矣
延祐庚申始假館中平葉氏得執經問道於先生前今能稍知詩書及
文字者皆先生之賜也然則我伯父愛獎之德其又可忘邪天蒼蒼而
地茫茫伯父之儀刑不可復見矣嗚呼悲哉誠懼後人不知先德始末
故述其大畧以詔之如右延祐五年歲在戊午秋八月望日從子樞百
拜謹書

曹主簿溼傳

洪杏庭

曹主簿溼字清甫屯田郎中矩之裔曾祖然始居歙南葉有溼幼穎悟
八歲能通誦五經不專攻舉子業研窮經學尤精詣於朱氏之書故為
文率皆典古有法寶祐丁巳年二十五歲江東漕解第二咸淳戊辰殿
試丙科授迪功郎昌化縣主簿曹氏自屯田至溼正奏凡六人辛未丞
相馬廷鸞以書幣聘主教授廷鸞為諸子端臨最博學知名撰文獻通考

其學實出自涇壬申奏勅充殿西廊階祠官禮成父鎬以高年得封承
務郎癸酉文信州考試官甲戌赴昌化簿任尋轉修職郎乙亥權知縣
事不文奉親還里元至元丁丑建德路請教儒學戊寅江東按察請充
紫陽書院山長招致生徒創濂學宮壬午辭歸養自是不復出州里循
理篤行士林宗之與方回齊名延祐乙卯卒年八十二號弘齋所著有
講義四卷書文韻儷彙各五卷餘如服膺錄讀書記雜作管見泣血錄
曹氏家錄甚多次子仲楚能文著書先溼二年卒有詩文講義一卷通
鑑目纂二十四卷長孫次炎曾孫宗屋皆能承其學
年擢高科廷遠次抱邁往不肯為之韻予心敬焉於是館於我曹清甫北
矣予輔政中朝清甫不肯為之韻予心敬焉於是館於我曹清甫北
獨予備位中書心附者不特無二也翁然為蠅蚋其去也倏焉為風雨
殊有揚波任此衡文秋浦王之薪然露頭角者率歸鑑裁今茲求
士方將治任東州清甫往來予無以贈惟有得進士為將相以應今世
無踰此矣癸酉閏秋碧梧病叟敬書

定齋先生汪公一龍墓銘

方虛谷

自孔子以來歷周二程張始有紫陽朱子昔金人入中原知孔子爲聖人猶護視孔林莫敢毀德祐乙亥吾州戍將李銓懷貳作威撤傍城屋爲城守芥紫陽書院新之以辱多士不旋踵天報之罰身殞家滅然書院由是夷爲蕪棘者四年蓋新安以書院奉朱子祠如魯人事孔子孔子廟徧天下皆原廟也魯爲重朱子祠徧天下新安爲重興之者郡守上饒思軒韓公也復之者郡人定齋汪公也彼廢之者一無知之小武弁何足齒復之者與興之者關於名教甚大今汪公亡矣足與韓公同不朽是宜銘之於墓以詔永久而况公學雖博知所宗仕雖淺知所從知已雖衆不輕於容皆宜銘按狀公諱一龍字遠翔徽州休寧人曾祖體仁知房州竹山縣祖汝鑑父茹迪功郎母吳氏封孺人公妙年英發文數理窟窮研深鈎當魁鉅淪喪之後士所爲隨時汗下浙學屏息而江西之學猶稍鼓行末既早而本尤舛朝廷之儒相場屋循徧私濂洛正論幾壅公固守紫陽之傳不少屈淳祐壬子寶祐乙卯年二十三二

十六連以經甲鄉薦景定辛酉夏領浙漕貢值春官有尚陸而疑朱者壬戌由京庠升上岸咸淳乙丑入禮部丁父憂戊辰廷對賜進士出身所以發譽早而登名遲者文衡不純一也初授瑞安縣尉改句容當權臣擅國之際達官不憚吻舌糞痔惟公官卑志行嘗攝縣癸酉五月歲大饑倣朱子南康遺規爲便民十條民無瘠殍秩滿陞從仕郎部注婺州教授乙亥准閩李公庭芝辟泗州判官留幕時京口瓜州失守公奉母航海南歸鄉守王公積翁辟判官兼命革丙子休寧士民推公爲宰不就遜朱穎達爲之完鄉井平寇盜皆賴籌畫方事之殷陳公宜中留公莖炎爲相有朝爲選人改秩暮爲州郡監司臺諫者予在朝嘗獨薦公都督府參議俱退卻不前李銓乃子漢英之變有以白衣領守貳者屢強公宰鄉邑終不就皆以母老辭至元戊寅江東道按察奧屯公以紫陽書院山長提學事起公顧書院瓦礎盡矣並命皆曹公涇叶心疚力得南門外江東道院故郡學基別爲新書院焉公知已滿世書其大

者丞相馬公廷鸞求塾客于言公可公已第常次訓丞相諸公子矩度
嚴整講授精切尉缺至不戀相府可速化竟棄去至如予太常應詔特
舉公一人公若無所聞公於學於事於知己可不謂內之養也粹而外
之省也密乎公事親尤盡孝母夫人年開九袞侍藥廢食寐前後居喪
皆骨立家築樓曰經畚貯書萬卷弦誦之室曰定齋使究老壽浩涉淵
詣於道涯聖闕未見其止也生以紹定庚寅四月十八日以至元壬午
正月十九日卒年五十三夫人曹氏歸公四十年婦道全母道備生以
寶慶乙酉五月二十五日以至元丙戌五月初三日卒年六十二子男
三人蒙進義校尉建寧路建陽縣主簿良德慶路儒學教授巽元漳州
路儒學教授男孫八人伯墳子堅仲益益社美孫希善孫葆孫女三人
曾孫鐔諸子以母夫人卒之年十二月庚申合葬于松蘿山豐林之源
據允揖卯公詩文多散落句容策三卷四六講義各二卷僅存子長公
三年推科偶先六年早同出郡守靜齋魏公克愚之門中年漫仕俱不

逢晚節休官窮居里中無可與語輒思公而公德去十餘年矣銘誼不
得辭銘曰

學失所宗業精易荒仕迷所從名羶弗芳知己皆至於誤已集不如
公能察於此三者雖死兮猶有耿光昔歲麓書院廢乾道中忠肅劉公
復之于湘白鹿書院亦嘗廢矣淳熙中朱子復之于南康彼以十連二
千石之力曾何難鼓動於一方繫是些陽起仆植僵孰愛我而助我突
儒宮於戰場松蘿之岡斯銘不亡亦何異刻鼎彝而書旂常

良軒先生俞公君選墓誌銘

江古修

鄉先生良軒俞公卒二十年其孤若思譜公宦歷出處大槩緯以賦求
之歲月屬為墓銘父之執不得以不詳公行為解公諱君選字憲可世
家徽之婺源有縣六館前序典教鄉邦者撥正科終淮郡倅者在公皆
為伯仲公曾祖勇祖天瑞父元弼從江閩奏辟幕屬幼授公易家學也
少長為文跬步規矩景定壬戌第進士三甲選主隆興府武寧簿自陳

母高年乞便迎養改尉饒州餘干垂滿以憂去服除授揚州司理爲應
山李公客入淮東制幕已而公檄徑歸徽守三聘不就遂終老焉公襟
度粹夷其接人和氣溢於顏面詩多似太白而自律之嚴臨事剛果直
有峻立千仞者初攝宰安仁議新邑學或以公儲空乏沮之公首輟俸
稍捐家帑人乃欣佐其役不日而成維揚將校婁忠者殺人事覺制閩
憐其才欲置末減公爭曰人才可復得國法不可暫偏卒正典刑他日
閩帥謂機幕程應常曰吾未見剛者今於俞掾見之癸酉維揚真泰俱
歎公建議發府廩賑饑真泰皆極負而至或議格之公曰率土皆王民
奈何以隣州爲限白使者均給活三州人凡數十萬他如立江都漁湖
之租民遂免陷于罪撥安仁木糧就邑給贍宗室弓兵皆實受賜其猷
爲卓然可紀者類如此而急義篤交有古道蕭開醜籍不受俗塵用是
丞相文忠公丞相番易公以暨東澗蛟峯諸大老稱許如出一口歸隱
良軒常曰時止時行良之義也在我法當止耳吾何爲不樂哉所爲詩

文若干卷曰良軒小藁藏於家至元丙戌九月日卒生于嘉定八年八
月至是七十二矣娶江氏繼戴氏皆貴族子男二若愚先公卒若思優
於學行有職府庠孫男五人越翁惠翁鶴翁同翁慶翁女孫一元貞乙
未始得地永川之南曰西館大德癸卯築築壙之日吉時則有戴君某
哀而資之厚壟明年十二月日江氏戴氏之柩實柩銘曰
寬而栗行有德時行止辨乎易猗歟先生後世則宜尔子孫慶無斁

新安文獻志卷九十五下

乙集

行實文苑

徽州路儒學教授唐公元墓誌銘

杜清碧

龍集丁卯予遊吳庠識唐長孺時長孺司糾錄英譽籍甚恨未知其細
 後十有七年乙酉辭召江浙歸武夷山中長孺子仲設教崇安不特識
 其父抑知其子之賢遠於人噫單居塊處悠悠爾思安得與而父子接
 哉仲寓書幣借善狀一通而告曰先君不幸於己丑夏四月卒于正寢
 臨未訣把筆作淡墨字命孤不肖葬而不得杜先生銘如不葬也零丁
 羸疾不果離苦次足跣以請惟先生諾而銘之按公諱元字長孺新安
 歙縣人總幹廷瑞之從孫其上世俱以文章起家譜系中絕考君諱虞
 又以婺源李氏出後于唐故德宗遺胤至今池曰飛龍橋曰太子以為
 左驗云公狀貌魁梧德量軒豁與人無疑咳其於天叙孝友最隆者也
 初貧屢阨於衣食既長方奮迅廟切以詩自鳴中值朝廷以魏科收多

士浸灌經術探賸史籍挾其所有四戰輒北遂屢以明經試有司又不第乃棄舉子業以古文鳴於世此學業之可表者也筮仕吳庠髮已紛白五十八省授平江路儒學錄再調分水縣儒學教諭陞南軒書院山長以徽州路儒學教授致仕廩稍率削弱不克自振遇春秋祭祀蘋藻潔虔待學徒侃侃講說無怠此又履歷次第之可攷也嗚呼凡今之士學業履歷未必加公科舉即標甲乙爲學官撥青紫迂回沉鬱固宜憫悼然天之陰厚於公者人未易曉也康強夔鑠以盡交四海王公大人博覽淳蓄以成其學以教其子以及其學徒猶公之貴且顯也遭時承平杖於鄉坐上座謁其門者車轍無虛刻聖天子仁化天下崇尚耄耋賜以織文一端再賜以織金龍一端以華其躬以卹其家其榮何如哉較今士德不足以稱其位才不足以符其名往往取敗姍笑於時者孰得孰失蓋易知也嗚呼公之詩文霽霽敷腴不事險澁詩慕陶杜黃陳文入歐曾而卒於臨印有得也詩文五十卷藏于家其平生相知如建

德路總管方公回徽州路總管吳公淳中書大參王公士熙南臺侍御史張公起巖翰林待制楊公剛中題品具載序跋其死也中書參議烏古孫公良貞禮部尚書汪公澤民監察御史張公止秘書監丞彭公炳賻贈千里以致其哀春秋八十有一唐氏之曾祖諱大有曾祖妣朱氏用長子廷瑞恩封孺人祖諱廷雋宋登仕郎弟兄四人曰廷瑞免恩主遼安簿轉銅陵丞曰廷堅曰廷秀明禮記請鄉舉李氏之高祖諱冠之曾祖諱尚禮迪功郎祖諱玘以書魁與丞相程元鳳聯榜考諱虞也周禮試得待補妣程氏弟二人輝廣東道肅政廉訪司書丞成早卒配徐氏慈祥端重爲九族師受恩帛得年八十有二於是年八月廿又一日合葬於歛之藤源男六人長徐卿詩益工次琪次堅次存真次即仲銓南雄路儒學正次莽芳女二人長適吳岩壽次適張球孫男十人孫女三人曾孫男一人愧予老邁文思刊落繁其難讀其狀不必存焉可也約其甚且讀其序不必狀焉可也敢不諾而銘諸銘曰

粵稽古氏陶唐善善繼閣弗彰百代下道益光具在我用必張時不偶
吁可傷年八表須眉蒼帝賜老恩澤靈出雲錦雙龍翔維父子擅文章
名鴻鴻連四方烏告哀銘斯藏

序洪杏庭焱祖集

危大樸

杏庭居士集故徽州路休寧縣尹致仕洪先生所著詩文也先生諱焱
祖字潛夫年二十有六爲平江路儒學錄浮梁州長鄉書院山長紹興
路儒學正調衢州路儒學教授擢處州路遂昌縣主簿天曆元年年六
十有二致其事去明年卒于家此先生之履歷也其爲學官與修學舍
其佐邑富民不敢踏門土豪強買民田不收稅一爲正之甲或毆乙瀕
死反自斃其面以誣乙冀脫其罪先生卒坐甲訟由是息囹圄爲空浦
城僞鈔誣遂昌富者十有六家尉卒持公檣至先生立遣之南有大溪
遇霖雨不可涉乃捐廩祿爲之倡作長橋夏旱禱于龍湫輒雨此先生
之爲政也初先生謁宋尚書方公逢辰于建德方公大奇之其後客杭

師事建德守方公回建德與先生同郡先生之生父程公建德同舍生
也客信從故教授四明戴公表元游至若高郵龔君璠吳興姚君式南
城李君塗皆東南名士則又與之同僚此先生之師友也由是觀之先
生終始可得而知矣先生既歿其子在述其行以先生踐履純篤爲政
清慎還回半生位不充其才爲痛予則解之曰前史所載丞相御史大
夫大將軍名姓相望其官峻爵焜耀一世論其所可傳則幾如也先
生之文根極理要而憂深思遠超然游意於語言文字之表彼丞相御
史大夫大將軍雖尊顯寧有是哉然則爲在者可以無憾矣先生所著
別有續新安志十卷爾雅翼音注三十二卷已刻于徽學其所居有銀
杏大百園故以爲號因名其集云在以門廡爲征官今調浦江尉將去
京師屬予序其篇端迺爲之書至正九年七月巳亥應奉翰林文字文
林郎同知制誥兼國史院編修官危素序

松江府知事俞公師魯行狀

程黶南

公諱師魯字唯道姓俞氏其先河間人有諱縱者從晉元帝渡江爲征西大將軍遂居于歙至梁安州刺史藥六世孫昌始家婺源子孫或仕或隱世族其盛宋漣水知軍倫之後有諱猷仲號西鄰老人者最爲朱文公所推敬公卓悟秀挺三歲能識奇字知讀書日誦數百千言年十二哭母哀絕人不忍聞比壯講學邑庠深自刻勵不讓先輩太學博士遜齋吳公某一見異之時公兄有女未字公曰向見諸生莫賢俞某者遂以歸之三十遊江淮間名聲籍籍戶部尚書某郡張公彬奉詔整治東南鹽法之不便者以書召公公卽爲條上方略請立倉以貯鹽設官以鹽運聽商賈詣倉以次交易使張上之朝卽日奏可行之由是大爲張公所器重大德十年江浙行省薦公行能應茂材異等江東使者涿郡盧公摯亦察公材學可任館閣薦之召試禮部翰林集賢文章辟署史館編修會權貴臣欲鉤致公出已門下公謝不往銜之章寢公亦以親老求外遂授龍興路儒學教授至則籍錢糧選直學之廉謹者掌之

斥逐姦濫登洋池新齋舍禮師儒增弟子員士風翕然過者嘆曰此教官朱子鄉人也二年江西行省議舉爲掾丁外艱服闋家居十年至治中除廣德路儒學教授舉職如龍興召入懇廢地歲增學糧五十餘石教雅樂置祭器以崇祀典諸儒鏡之石秩滿赴選有貴人識公姓名卽除兩浙鹽運司知事猶以公前張尚書時議鹽法便故其于力請父且老不勝繁劇改松江府知事松江泣華亭上海二縣事夥如大郡歲賦米以百萬計軍儲海運所須華亭地下水田多米白上海地高米多赤省檄欲一切徵白米府尹山東李公某下令如檄上海民大戚公適至歎曰物產異宜李侯誤矣然事急不可以請且令卽下乃以便宜擊羊置酒召三軍帥飲告曰將軍生長平世無一日汗馬之勞而軍士坐受國家贍養恩至厚矣然所贍養皆仰諸民今上海之民奉省檄欲一切徵白米罪且及身而白米卒不可得假令得歲籍爲常民將奈何將軍幸而聽某請以上海之入給軍士華亭之入輸海運爲百官之祿則將

軍有奉公之忠小民無倒懸之苦所謂惠而不費者也幸將軍圖之三帥皆跪曰某等武人先生幸見教敢不聽從明日以文書來收米如他日民間食鹽以口計吏並緣漁獵逮及鰥寡公廉問拘其籍焚之初富民失火移其質里中少年林關保率其徒夜竊取之坐以縱火劫掠當死四人瘦死七人械繫獄中公閱其牘疑之一日列七人庭下屏更好問曰汝等得無冤乎皆俛首泣然流涕曰無冤公益疑反覆詰難具得情實公喟然曰我職在案牘前人以死罪遺我我不能生之是我殺之也抱其牘白部使者尚公某使者立喚七人詳之驗即為破械出此七人曰活汝者知事也七人號泣羅拜當是時當塗之人無不稱俞知事政績者府中為之歌曰俞公未來案牘紛披吏饒而欺俞公既來官僚怡怡吏飽而嬉惟其黑憤使我心惻公聞笑曰吏尚飽邪吾今使汝飢矣府中事無大小須公一言而決他郡獄不決上省憲者亦交委于公推強踏姦上下斬斬嘗以事怒責屬吏吏急求解公諸子諸子從容從

旁切諫公良久引起曰汝胡不坐此諸子懼莫敢復言其矯抗不私如此又明年以疾卒官公風骨清秀善談笑好賓客豪故饒財先世好施無餘貲聚幼師事鄉先生王公太古齊公節初雙湖胡公於書無不讀至於陰陽醫卜亦所通究晚從方總管回學詩文盡得其說方公將死悉取所著書授之故人謂公之學高如王正如齊實如胡博如方卓詭乃其天性有易春秋註說未脫藁藏于家平居矍然儒者及當官治文書又刻深老姦吏縮手自謂莫及初公之生也父夢皂衣數人擁吳江知縣上謁方廷坐語婢子走告曰夫人生男矣遂覺及病迎醫公追占其夢曰吳江即松江知縣即知事也吾必不起比吾死其在生之日乎即以八字戒諸子其六言家事其二言喪葬公生宋咸淳己巳十一月二十一日卒皇元至順癸酉十一月二十日享年六十有七祖宋禮部進士祖某以隱德稱鄉里父某弱冠鄉貢進士會宋亡築雲隱山房終身不入城府娶延陵吳氏女出宦族有賢德後公若干年卒于六人

倚相逢年昌言宜生拜都然明皆能世其家次子逢年尤爲中朝公卿所賓接天曆初因大臣入見文宗皇帝親被顧問將命之官會上崩今爲江西推茶都轉運司照磨孫男十人女十人諸子以至正四年正月某日奉公夫人之柩合葬于里之洞靈源將乞銘當代大賢君子刻諸墓以存不朽請爲狀其梗槩以俟執筆者擇焉

潘節齋榮傳

家乘

潘節齋榮字伯誠婺源桃溪人隱居博學通諸經尤長于史嘗著通鑑總論大要以爲治天下有道親賢遠奸明而已矣治天下有法信賞必罰斷而已矣治天下有本禮義教化順而已矣明則君子進而小人退斷則有功勸而有罪懲順則萬事理人心悅而天下和二者之要在身身端心誠不令而行矣其說反覆數千言又嘗集蘇句一百篇危承旨太樸爲之贊學者號節齋先生其歿也桃溪人祀之于社至今不絕

序鄭彥昭潛集子居貞

程賢南

鄭潛字彥昭歙縣人○同郡程文序曰彥昭詩森然而武庫之兵混然而昆山之璞沛然而春江之濤金石奏而壘洗陳何其能言而文敷蓋履平格高律熟而入於精者矣雖然彥昭博學長才由廣東帥府從事上計京師遂辟監修國史掾歷臺及省擢端本堂正字侍皇太子東宮一年拜監察御史方將昌其志氣以施諸政事之大豈特詩之工而已○宣城貢師恭序曰閩海僉憲鄭君彥昭長身踈髯負氣高義讀書芙蓉五嶺之下足跡未嘗一入城府也及出則度浙江上會稽涉彭蠡泛洞庭望匡廬九疑之雲登祝融踰嶺嶠以客于南海然後北走曹衛齊魯燕趙之墟以官于京師凡其高深遐遠恠奇壯麗之觀既有以資夫超見絕識而又出入禁近校書儲宮我冠弭筆以清百辟綱紀天下乘風雲依日月凡其卓犖奇偉剛方峻特之行又足以徵諸事業故彥昭之爲詩於行役於攬轡隨其所得莫不各極夫趣之遠體之正聲之和焉然則彥昭豈苟作者哉觀其詩可以得其心之所存矣今彥昭方

佩使者印按行八郡廉車所至奇衰屏息識見宜日益超事業宜日益
廣他時播之聲詩以鳴國家之治者又不止是而已政務希公送河南
謂賢公卿者亦皆其居公卿望之惟恐其得位之中其身已隱然負公卿之
器庸衆之亦皆其居公卿望之惟恐其得位之中其身已隱然負公卿之
平位任天下之才理天下之事若行乎家出則弟之問而當世之
顧以出處未嘗疑於心而帶於用故士有不出則弟之問而當世之
亦以出處未嘗疑於心而帶於用故士有不出則弟之問而當世之
名實過乎其人者固寡聞其居位則相賀以爲得人是上自夫古
有不稱其位者固寡聞其居位則相賀以爲得人是上自夫古
位夫豈宜哉以予觀乎今之世若新安鄭公之爲河南人而居賢
位者皆當時之名祖父皆嘗爲顯官聞譽甚著公自少尤好學有美
師友也公之先人問學操守見稱諸公間人望公自少尤好學有美
國朝興賢圖治禮部郎中出參河南及其終三年而張成大聲色而
千朝之賢吏稱頌其美如出一口及終三年而張成大聲色而
爲之爲治何是知士之不也抑吾聞古者宣德澤之臣爲吏國家用
公秩賜金之令而武二十三於他職使此法也復見于令河南民
尚門賀也夫洪武二十三於他職使此法也復見于令河南民
記古者未有宮室民皆巢居而穴處後世宮室既備而於僧徒民猶有
巢於松巢於海棠者至有高人韻士乃有命其室爲巢若林景思之
雪巢陸放翁之書巢是矣福之八山鄭氏其先居歙之長麟里生俊
宮教授顯文之五世孫也嘗築樓以爲讀書之所其鄉先生鄭山玉
命之曰讀書巢而爲文以記揭文安公侯斯爲大書其高後官閩海道

廉訪副使嘗於瓜山建義學爲義渡皆置田以給其費民戴之故其子
河南來政居貞遂即瓜山而家焉今參政之孫培反攻文砥行又昌其
首乃於正寢之側築樓三楹左實以五經四書與凡性理之書曰師心
齋右實以羣史百子與諸名人之集曰樂此軒而虛其中以游息合而
名之曰讀書巢取文安之扁與師山之記揭此軒而虛其中以游息合而
京師皆吾友進士杜宗岳調子文識之惟瓜山之其子以鄉舉高第至
昭地與世皆遠矣而向之蓋一以見先世之流芳而迨後人之趾美也
不夫今葉新樓冠以舊號蓋以見先世之流芳而迨後人之趾美也
千若孫尚無忘祖考之志日爲月榮彪炳其文章崇大其德業以不
憲副之光則見是巢之所出者皆爲威鳳爲祥鸞揚名聲於高岡而振羽
臨於霄漢將見天光下

詹中書希原傳

家乘

詹希原字子舉婺源龍川人承旨同之從子也以字學名世仕元爲供
奉監照磨歷善庫大使洪武初授吏部奏差鑄印局副使升中書舍
人陶九成云希原王書師虞永興富有繩墨其字愈大愈好揚文貞公
云 國朝大字希原爲第一蓋兼歐虞顏柳之法而有冠冕佩玉之風
者弟希愷仕元爲台州學正山東元帥府譯史調易州同知歷大都兵
馬指揮從順帝北去不知所終

前翰林修撰承直郎同知制誥兼國史院編修官同知耀州事
鮑公頌行狀
唐梧桐

公姓鮑氏諱頌字尚聚歙西之棠樾里人也其上世自青齊來歙凡再
遷至棠樾世以儒宦顯曾祖諱周以子貴贈從仕郎徽州路縣縣尹周
之父壽孫當至元丙子之變里中盜起賊執其父欲兵之壽孫出願代
父死父願代子死賊哀憐之不忍殺父子俱得釋人稱為慈孝鮑家事
載宋史孝義傳祖諱同仁以右語出身五轉至會昌州同知致其事考
諱深講學鄭子美待制之門為構師山書院以延鄉里學徒遂領府檄
攝山長事公幼聰敏不凡甫成童讀書知大義能詩文精字法適勁方
整旁攻篆隸及長從游於張子經胡孟成鄭彥昭諸先輩山長公築耕
讀堂以延賢士大夫而風林朱允升白雲唐仲實石泉周彥明日夕過
從相與講求誦習由是見益明識益高值壬辰清亂世家大族俱被剽
掠劫奪而公之故居悉遭焚燬無遺丁酉我

天兵東下克復徽城而上將登舟東歸待制以嘗受元官遁去公
遂代其下獄索之愈急度不獲免待制乃挺身而出見妻將抗難不屈
主將憐之釋公待制語下衆曰吾得死所矣山長公與弟以仁受業師
山最久不忍其死公奮然進曰先生既受前朝待制之名雖不食其祿
而受其爵豈可屈辱臣與夫子待制曰頌之言是矣吾計已決明日衣
冠北面再拜自縊死與時待制得登名於元史忠義傳雖其平生學力
所至公亦可謂賢弟子矣已而世運平定 詔求民間有本德賢長者
太守王公以公名聞公以親老辭不允逼道賊命烏行以見志至
京吏部引見

上于西苑詔公與晉王傅桂公考良十人同舍尚質館編史博進呈畢
賜白金五十兩帽履衣各一襲授博士慶通義明年春監築太社大稷
壇成時初立翰林國史院改除編修官共武政元學士陶公主敬稱公
質實有文性翰林修撰承直郎同知制誥兼國史院編修官

上嘗御護身殿親黃問廷臣曰此平建都何以控制胡虜比南京何如
公對曰胡主起自沙漠立國在燕今百年地氣天運已盡不可因也今
南京興王之地官殿已完不必改圖傳曰在德不在險也

上又嘗策問大任之法公以借寇故事對皆稱善一日
上登鍾山命詞臣扈從 上御擁翠亭給筆札即景賦詩公與翰林朱
升張以寧秦裕伯起居單友中李其銜冠道人俱應制

上親倡和遊崇福寺錫宴而還時尚書張復初以吏疾儒適陝西內附
遂出公為耀州同知州兵戈之後飢饉屢年流民未復迺披荆棘以臨

政歲大飢 朝廷發粟以賑公親領縣民赴子津給菜宣
上德意至秋方稔一新官解民爭趨事不待程督旬月落成博士金華

王公予充記而刻之張氏僞官許王者結黨害民有王寅羅其害公不
避危險率弓手盡擒之以送行省右丞耿公大加稱賞境內獲安淳化

縣與州鄰縣有好逼民虛增田土頃畝以媚

上父老訴于會府委公覈實迺履畝而徵去虛增糧萬五十石同官縣

民爲左丞趙某掠平陸縣民張氏女年十三訴於縣不能直公執諸廷

歸其女共武四年秋奉表上京欲順道省親九月十四日光祿

錫宴越翌日赴禮部辭俄被拘送刑部轉送羽林衛乃知西安府經歷

常達平事誣指凡陝西一道官吏無虛實小大皆不免至十月十五日

獄中上表陳情不報時從叔任留京不忍去爲製衣饋饌及死買棺載

骸骨歸其鄉公臨終親寫遺文付其子宅相丁寧戒諭文辭明暢字畫

嚴整不異平日公先娶程氏宋狀元程基之曾孫女性柔順盡婦道年
十九歸公臨辱而沒繼娶宋氏甫一月而公有薦舉之行在耀州嘗相
謂曰設若不幸汝有守志乎宋泣曰婦人從一而終豈可事二姓公笑
曰吾母憾矣聞公之訃哀慟號泣抱一歲幼子匍匐走數千里見者莫
不感動既抵家公姑康健在堂具甘旨鞠孝敬經紀其家政公姑安之
視前室之子不異所生子亦奉之如親母時戶役煩多支費不給宋之

父母憫其蚤寡欲奪其志終不聽公姑俱以天年歿宋營喪事盡禮宗
族姻戚咸稱之里耆老以貞節聞得旌表其門程氏生子一人即宅
相女一人適其宋氏生子一人曰長安七歲而卒宅相有子三人長玄
英次玄寧三玄復曾孫男若干人公得年四十以永樂其年葬績溪縣
之株木嶺嗚呼天道難謀善惡之報禍福之降何其不以類應邪豈
於氣數而值於命歟將詰諸司造物者其然乎其不然乎申包胥曰天
定能勝人人定亦能勝天其果然乎公之罹非辜亦可悲矣三孫念公
嘗踏門而請曰先祖行實未有紀述當時儕輩俱已漸盡無一在者惟
先生獨存若有待焉敢請予諾之老淚危途哀思填胸每一執筆悲不
自已侵尋歲月弗克成文迺忍慟而書之尚干當代名公矜憫而銘之
謹狀

余縣丞 鑄傳

余鑄字子韶鳳湖人其先世自唐至元為休之大族父同知公墓家繼

吳韞中

不羈臣游南北家產蕩盡以死鑄自幼力學年十五則寓館於鄉以贍
其家事母以至孝聞嫁妹三人撫二弟長而為娶室閭里敬慕之稱為
善人縣令唐公子華揚公文舉皆造其門致饋厚焉然為人養高自守
不為世屈見富貴者則偃疆愈奮是以不能伸其志
皇明洪武四年以賢良徵為開封府滎澤縣丞到官即有政蹟聞於
京師郡慕其清民感其德後提刑按察至其邑亦以不屑遂枉以法至
不屈而死 朝廷為雪其枉欲官其子卒以無嗣而止號尚友齋有詩
文行於世其詩壯麗頓挫為時之所尚云

金仁本 德玆傳

蘇景元

金德玆字仁本休寧汪坑橋人家世業儒至德玆而貧好學手自抄錄
稍帙滿家雖飢寒困苦手不釋卷六經三傳諸史百氏山經地志醫卜
神僊道佛之書靡不研究世家士族爭為西席子弟經其訓誨悉有禮
度嘗以先儒遺書精神心術所寓溼及不傳為己任遍訪藏書家得陳

氏四書口義批點百篇古文倪氏重訂四書輯釋朱氏九經旁注趙氏春秋集傳上虞劉氏選詩補註胡氏感興詩通三十餘般抄校既畢遣子輝送入書坊刊行天下用章先生深嘉其志平生著述有新安文集十卷道統源流程朱氏錄小四書音釋卒年七十二贊曰文風既變俗尚商賈視著述若弊筴德茲奮不顧流俗肆志聖賢之學求書之心急於衆人之求利家愈貧操愈礪先儒遺書得不湮沒後生小子知所趨向皆其力也

亞中大夫湖廣布政司右叅議方公勉行實家乘

先君諱勉字懋德世居歙西潛里四世祖諱開先元明經中試江浙省提領揚州高祖諱應午號梅山曾大父諱嘉甫大父諱宏遠父諱永進隱德弗仕先君自少穎敏嗜學年十二三作為詩文如老成人語永樂六年補郡庠生後三年捷鄉書十三年乙未登北京首科進士第選入翰林爲庶吉士與一時登瀛之士同食大官待用 禁垣尋奏回異姻

陛辭命兵部給脚力又錫寶鈔爲婚禮費十四年赴南京復任十五年扈從北京尋丁外艱二十一年服闋洪熙元年至京除行在大常博士念母在堂乞所食祿原籍關支以代養宣德三年授勅命贈父文林郎大常博士封母謝氏太孺人贈前配汪氏封繼配汪氏爲孺人屢進應制辭賦蒙 恩資甚厚五年乞歸焚黃省視次年丁內艱起復之任正統二年授行在四川道監察御史劾都御史李儀巡 皇城四門審獲權奸王振家人即日 上聞巡五軍教場覈奏鎮遠侯顧興祖并彈少保兼工部尚書吳中薦舉非人正統三年春出按江浙值鄉試考官互爭首選先君遍閱各經魁試卷惟春秋獨優取居第一及開彌封乃桐廬姚夔即今吏部尚書事完回 朝力言浙江急務莫急於防倭而防海都指揮張翥年老且貪不堪備禦翥乃誣先君嘗需海濱之物致生謗言俄而倭寇登岸肆行殺虜報至京始信先君之言明年陞湖廣按察司僉事往巡湖北等郡詣五開整飭邊務問奸吏數十追徵侵盜

屯糧二萬石正統九年永順宣慰使彭世雄與桑植安撫使向晟有隙
誣奏世雄僭竊朝廷累勅往治先君至辰陽密遣人微行觀其虛實
世雄聞之驚疑欲變先君不避艱險躬詣其境召其屬南渭等州并各
長官司官吏審訊之果無僭竊之實遂上聞錄晟之罪十二年奉
勅督襄藩二郡王府十四年獨掌按察司事時值浙江福建賊情緊急京
師多事憂形於色食不下咽兼以苗蠻猖獗攻破城堡劾都指揮畢通
等失機事

上命取各官招伏戴罪殺賊是年夏復巡湖南等郡添選軍餘民壯操
守城池設法獲偽賊朱貫等差人馳奏處死邊民自是知懼不敢為惡
九載秩滿赴京景泰元年秋授誥命階勳奉政大夫修政殿尹加贈
父為湖廣按察司僉事母妻俱加贈為宜人十一月陞湖廣布政司右
叅議食正四品祿二年四月蒞任遇連年用兵攘捕蠻夷督運糧儲以
濟大軍六年進聖節表赴京陳言二十事曰養民固本曰推舉孝弟

力田曰審賢擢用文臣曰論功陞用武臣曰優待守邊將臣曰推選老
人化民弭訟曰崇禮南岳神祠奠安南土曰建議行都司鎮壓苗蠻曰
租賦額重量折輕費等事時

英廟在南宮先君所陳言有曰堯舜之道孝弟而已其諷諫之意溢于
言表天順元年兩考赴京以年衰乞致仕未行二年回任又因早傷條
陳預備邊儲三年授誥命進階朝議大夫四年蒙允致仕之請先君
自歸家園與世利不相關拳拳以仁義忠孝訓教子孫雖當桑榆晚景
猶手不釋卷八年朝廷優老奉詔進階亞中大夫六年二月二十
五日客有至者先君與之談論當世務憂懼不倦因呼諸子曰我平生
為人惟一忍汝當謹記勿忘是夜疾作甚亟然猶動不違禮至黎明起
盥就床而卒生於洪武二十六年癸酉二月五日卒於成化六年庚寅
二月二十六日享年七十八平生所為詩文有怡菴集十五卷行世葬
郡城西龍王山子四人旭暎早歲襲景泰甲戌進士早成化乙酉鄉貢

進士浙江臨安知縣

中憲大夫陝西按察司副使莊公勳行狀

張式之

明理屬詞謂之學成已成物之謂道篤行孝弟謂之行三者一理而已能盡此者吾於友兄莊公見之公諱觀字居正歛之莊村人年十四執父喪有禮弱冠游郡庠才識穎敏讀書過目成誦同輩皆推讓之末樂辛卯以春秋應鄉貢明年會試中乙榜分教浙之義烏公素明理善屬詞造就弟子有法歷三科得秀七八人皆為世用滿考優等陞辰溪教諭一以教義為者教其弟子文風翕然未幾丁內艱起復赴京擢國子學正弟子居座下者皆知明理屬詞出而從宦悉能推公所教以措諸用正統改元新制每省以憲臣董儒學治大臣各舉所知大司馬王公驥以公薦擢陝右按察僉事董八郡秀士以督其成公首立教條次嚴紀律務期成德達才之効陝西疆里散闊山川險阻公不憚勞苦歲一躬蒞必得其實以故八郡士子爭先奮勵以學成名為期若咸寧楊鼎

之占會元與蘭縣黃諫鳳翔劉俊相繼 賜進士及第皆入翰林有名

其他第進士者屢科不缺咸著英譽若都御史王竑任寧之類予嘗與

公同出行部曰學校以明倫為先文章末事耳郡縣遵其化雖夷狄之

俗皆尚廉耻公德所致也諸生有聰慧出眾進益學業者則喜形于色

愛養如至寶語予曰西人得此實翹萃者也吾獎之以礪諸子俾各觀

感以盡力其造就人才類如此九載秩滿例得陞秩今少保吏部尚書

東閣大學士王公時以都憲出鎮關中恐公之去而士子失望特為之

具奏陞擢本司副使仍董學校之政又三載是為景泰改元奉表赴京

遂上書乞骸骨既得請則挈其男女還鄉公自茲仕即迎其母宜人赴

義烏恪盡孝道又陞辰溪母歿哀毀踰禮復以其餘養無力者十餘喪

今引年歸老益篤孝義念兄璿同祖同弟與同相繼淪歿諸孤如穉公

斤餘俸分給之教育無異已子有餘則濟里中貧乏及修橋梁道路以

利眾人而於家廟之制則拳拳焉務勝他族歲時祭祀必備禮物極誠

利眾人而於家廟之制則拳拳焉務勝他族歲時祭祀必備禮物極誠

敬亦爲他族所稱公之曾大父天錫祖廷壁皆隱德弗耀父末寧以公
貴贈奉政大夫陝西按察司僉事母張氏配余氏應天府丞同邑士敏
之女淑慎貞潔表儀聞先於正統庚申二月三日卒享年五十有二
與母張氏皆贈宜人子男六徽專理家務歎以麟經中辛未進士授河
南道監察御史宸爲商治子母以足用度楚附名縣學屢試鄉闈未第
吉秦俱長務學女義貞適士族余永壽孫男八道謙道傳道彰道暹道
英道充道濟道桓孫女三泰貞福貞琬貞公無恙時嘗見里族中生子
迨長昆季皆析食爭競其禍起於異姓相聚乃訓飭諸子絕私蓄杜爭
端共立誓言有弗違者致罰及訓諸子不許輕至公門而已亦杜門謝
絕世事凡二年矣忽今歲春三月以來遍歷鄉閭探候親友及歸以疾
告俄頃遂卒實景泰甲戌四月十六日也公生於洪武丙寅十月二十
三日享年六十又九嗚呼公之學明理屬詞足以潤身而華國公之道
成已成物足以輔世而長民公之行篤行孝弟足以化囂暴悖義倫也

惟其緒餘又能更解艱難窮道途以教子之義方致鄉人之慕効是
皆可書者也恨予索處千里生不能共引觴之樂死不聞屬纊之言殮
不憑棺奠不臨穴平白道諸之乎心氣之合有若異姓而骨肉者今也
遐不相顧如秦越之遐視然是宜痛悼而深恨者猶幸欽以御史出巡
不忘故舊訪于林下歷叙舊情恍然按公之顏範聽公之言論庶得少
伸憤鬱也別經一月歛以公訃告不覺老懷作惡血淚交下狀言之請
豈可以他詞拒哉遂投淚書此以爲立言君子取信時景泰甲戌五月
既望前都察院右僉都御史慈溪張楷狀

可筠吳先生以恭墓誌銘

鮑廷謚

宣德正統間新安郡城中以文學老成稱者四人曰養正江先生夢草
曹先生西清張先生可筠吳先生皆秉志高尚不苟於同俗者也然皆
與予爲忘年友而有文會之益無何養正被薦赴京師辭不獲授都察
院檢校尚清構別業在宣城晚年遷居之夢草亦先卒獨可筠先生歸

然如魯靈光曩年登八十適刑部尚書楊公致政歸倡士林賦詩為壽斯文之慶甚可樂也迨今甫二載而先生遽卒邪先生以天順己卯十二月十二日卒享年八十二遺命喪祭依朱子禮又命其子純告予別以銘文屬卒之三日訃至予往哭弔畢乃叙而銘之先生諱遜字以恭可筠其號也方年少時好問學有能詩聲出語清奇不與時俗類尤工樂府歌曲比壯挾貲貨遊武林姑蘇及金陵所至名士請交聲譽藉甚迨年三十餘即家居益用心溫舊學東嘉史伯璿有四書管窺資中黃楚望有六經補註先生喜其擴先儒所未發皆手錄而精究之晚年學問老成爲文章有理致士大夫家於禮文稽古事有疑者多以咨之郡行鄉飲酒禮先生正賓席肅儀度言辭清麗高下中則文武官僚咸敬愛之僉謂先生於斯文可以無愧矣曾祖諱通祖諱惠考諱添皆有隱德先生娶比關羅氏先卒子男二長即純次銘先卒女四金子春程文度胡福希汪永真其婿也孫男一淮孫女四以其年月日葬某處孺人

羅氏附銘曰

志高兮無事乎翱翔縕奇兮發見乎詞章孜孜好古道允臧是爲斯文之光

謚齋先生鮑公寧行狀

家乘

先君諱寧字廷謚號謚齋世家歙西棠越居棠越傳九世諱壽孫當宋末偕父爭死於難因得免事載宋史旌爲慈孝鮑氏我

太宗文皇帝表入孝順事實賜詩褒寵十世諱周元掌教歙率以子貴封黟縣尹十一世諱同仁歷官至會昌同知十二世諱深文學爲當代所宗授師山書院山長值元季之變群小騷攘能以信義服衆庇及鄉里立社倉以濟貧乏既没人思仰之以鄉先生附祀于社十三世諱頴洪武初擢翰林修撰同知制誥兼國史院編修官十四世諱相有隱德士之稱家風者歸焉配安人汪氏內行刑于九族先君考妣也先君昆弟三人少失怙遭時多艱惟伯考當室而先君篤於學以相感勵必思

昭先德正浮俗銖錢尺帛不入私房孝父立能協志任經營之責先
君生以洪武辛未幼穎悟學甫七歲能賦詩人咸異之然為學未有
師授而心地開明於義理獨有所得首誦小學四書輒能領其要於是
通習經傳旁及子史讀書日聞月進年十九受徒講學凡四載乃挾古
今書為司馬子長詩兩經占汴梁覽齊魯且蜀楚之勝歸隱以求志明
天人之理根事物之源而踐其實郡邑文武大夫士之賢者咸相禮焉
正統初御史天台李公郡守南昌崔公相與薦之力辭不就永嘉孫公
來為郡以清節自高獨屈已遇先君每見必談經史論古今及政務之
要出所寫墨梅題贈勸之仕終不應退益以道自勵自是郡邑舉行鄉
飲酒禮必致請先君亦多謝絕不赴景泰甲戌 朝廷下命纂修郡志
太守福山孫公禮請而從事焉天順庚辰年七十辨正天原發微其書
凡二十五篇於太極河圖二章各著總論其他則隨文見義于其下通
數萬言於為文則不事藻飾辭達理明旁通曲暢而義無不周至論順

天應人尤能發明孔氏之旨以詔後學於理學之餘至陰陽地理醫藥
諸家之說無不究竟著正縫針論以明葬術之槩因少感心氣疾而留
意於醫探軒岐之奧得衛生之理復推以濟人遠近之疾危而賴之以
痊者甚眾或有巽訟於官不能決者質之先君必兩得其情人咸感服
於族黨推尊祖敬宗之義其為譜也不遺微以疎親不附顯以借重澄
其源清其流誌其實且立為定式使子孫有所取法於祀先之禮謂家
禮所載固為明備猶以西為上堂酌古制更其式而行于家以為尚右
之說由漢明帝始朱子言漢之為禮畧矣又家禮註謂朱子嘗欲定議
復昭穆之制而未獲夫先王之制作有非淺學所能窺測顧此不以中
正為尊而以西為上者禮未之有聞且以高祖為尊置其位於堂上偏
西之角則無可尊之義而有乖夫事生事存之理豈欲書其槩以俟夫
討論者歲壬午七月擬著筆而疾作竟至大故是月十七日也享年七
十有二孺人江村士能君女本槐塘程氏克相先德所撫子曰秦女三

長可適黃禮次章適汪亨三素適程俊泰之子一佑佐嗚呼先君無一命之祿而惠澤每加於人朋友交之而過失有規子弟從之而孝弟益勉甘處乎林壑而有道存焉故其歿也遠近之士莫不嗟悼聞者爭相赴哭罔極之恨其何能已熟看朱士俊覽其辭填其諱以學者之稱題曰謚齋先生而復贅之曰先生之學成矣先生之行尊矣觀民風者必有採焉

槐瀕先生程公孟碑銘

家乘

昔杞宋以王者之後而孔子猶歎其文獻不足徵况其餘乎程本周之侯國休父則始封者也其後國亡而子孫散處于晉曰嬰者死趙事號忠誠君世望河北至東晉有元譚者守新安以循吏賜居郡中由是江南始有程姓者凡數傳至梁將軍忠壯公靈先有禦盜全郡之功食其鄉州廟號世忠程以是益顯至唐定氏族而程遂居十大姓之一胤系之蕃幾有一郡之半又蔓衍于四方由宋至今其居歛之槐塘者曰元

鳳起進士相理度兩宗號吉國文清公公六世孫曰槐瀕先生諱孟以諸程自唐以來譜牒山委背能相通乃遠者走書近者親會盡發我宗人之藏手自披校窮二十餘年為程氏諸譜會通五十卷外譜二卷忠誠太守忠壯三祖遺跡及褒典經元季之亂蕩無存焉先生又搜輯而類次之為世忠事實源流錄十卷文清公手澤及理宗御書多論于異姓先生不惜重購之以歸為明良慶會錄三卷於是新安之程凡數百年文獻之傳賴以弗墜而先生亦不可作矣嗚呼若先生豈非孔氏之所見予者哉先生字文貴槐瀕其別號也性誠樸而孝友動必以義終其身為鄉黨師鄉人化之郡邑大夫歲時禮於其廬方學好古愈老不倦其墓述別有黃山小錄諸書而新安總志尚未稅藁所自者有槐瀕其卒成化乙酉四月二十五日享年六十有七墓在本里荷塘山之原配汪氏共守儒素人稱其賢子男三人景崇景山景微孫王人琥琥琥琚亦皆能守先生之遺書而敏政於先生為族子官居北方

不及敬拜牀下而教辱手教惠顧... 通寄其諸孫刻諸墓上之石以昭先生於無窮銘曰


荷子先生其弗死兮維古程國之肖子兮篤我宗誼而弗之祀兮聞我先猷而實是紀兮相爾公孫之復其德兮胡寧在彼而不在此兮爰下斯歲于槐之里兮羗山之崔而水之瀾兮荷先生之名兮曷其已兮

韞齋處士程公玩墓銘

張九達

公諱玩字叔潤號韞齋姓程氏休寧人先世居黃墩流派演迤至唐御史中丞都使公灑始遷汝川族益大公六世祖曰洙登淳祐進士歷貴池上元二縣簿以節死子徹任國諭生二子曰茂曰齊粹然儒者曾王父膺齊之子也王父闡父相三世皆淳謹世其學配楊湖孫氏制行貞靜孀居三十年如一日公自幼敏銳肆力于學通地理星曆卜筮之術暨長郡邑守令繼請為師由是名益振縉紳多內交宣德癸丑編統宗譜以書會建昌族太常卿南雲得其秘本為全譜六十卷閱九載始

成功亦勞矣晚年杜門謝事日究先天之理又號悟易老人公剛毅不阿事親孝教子嚴處友信善書法生洪武戊寅三月十三日卒景泰丙子八月十九日春秋五十有九戊寅正月十一日葬里之湖頭礪坐子癸酉午丁遵治命也配璜源吳梅軒孫女三十一歲卒子世隆繼歛西鄭氏後公三年卒壽六十五子二世美世充嗚呼公以勤苦自勵卓然有立於世才德兩優未至於用而以隱終惜哉雖然諸子駸駸克肖可無憾矣公歿十有四年無銘其墓者一日三子持狀請銘以詔後予忝眷好知公德詳不辭乃序而銘曰
岐阜崇崇雲溪溶溶猗歟程公德澤攸同卜藏幽宮流慶無窮



Handwritten text on the right edge of the book, possibly a page number or a date, including the characters '11/11' and '11/11'.

聖